

## **ВСЕНОЩНОЕ БДЕНИЕ. КАНОН:**

### **ПЕСНЬ 1:**

#### **КАНОН ВОСКРЕСНЫЙ, ГЛАС 6:**

**Ирмос:** **Яко по сѹху, пешешествовав Израиль/ по бездне стопами,/ гонителя фараона/ видя потопляема,/ Бѳгу/ побѣдную песнь// поим, вопиюще.**

**Припѣв:** **Слава, Господи, святому Воскресению Твоему.**

**Тропарь:** **Распростертыма дланьма на крестѣ,/ отеческаго исполнил еси благоволения, благый Иисусе, всяческая.// Темже побѣдную песнь Тебѣ вси поим.**

**Припѣв:** **Слава, Господи, святому Воскресению Твоему.**

**Тропарь:** **Страхом к Тебѣ, яко рабыня, смерть/ повелѣна приступи Владыце животы,// тою подающему нам безконечный живот и воскресение.**

**Припѣв:** **Пресвятая Богородице, спаси нас.**

**Богородичен:** **Своего приемши Содетеля, яко Сам восхотѣ,/ от безсеменнаго Твоего чрева, паче ума воплощаема, Чистая,// тварей воистинну явилася еси, Владычица.**

#### **КАНОН БОГОРОДИЦЫ, ГЛАС 6:**

**Припѣв:** **Пресвятая Богородице, спаси нас.**

**Тропарь:** **Причашшися Ева саду, преслушаннаго бршна, клятву введѣ:/ но сию разрешила еси, Чистая,// благословения начаток Христа рождши.**

**Припѣв:** **Пресвятая Богородице, спаси нас.**

**Тропарь:** **Яже бисера от божественных молнии Христа рождши,/ страстей моих мглу, и прегрешений смущение, Чистая,// разжени светом Твоей светлости.**

#### **КАНОН ТРИОДИ, ГЛАС 1:**

**Припѣв:** **Слава, Господи, Кресту Твоему Честному.**

**Тропарь:** **Торжества день, востанием Христовым,/ смерть безвестна показася,/ жизни возсия заря,/ Адам востав ликует радостию:// темже воскликнем, побѣдную поюще. (Дважды)**

**Припѣв:** **Слава, Господи, Кресту Твоему Честному.**

**Тропарь:** **Поклонения день честнаго Креста,/ приидите к сему вси:/ востания бо Христова заря,/ светосияя предлагает ныне,// того облобызим душевно радуящися. (Дважды)**

**Припѣв:** **Слава, Господи, Кресту Твоему Честному.**

**Тропарь:** **Явися великий Господень Кресте,/ покажи ми зрак Божественный красоты**

твоея ныне,/ достойно поклонника хвалы твоея:/ ибо яко одушевленну тебе, // и возглашаю, и облобызаю тя.

**Припев:** **Слава, Господи, Кресту Твоему Честному.**

**Тропарь:** Да восхвалят согласно небо и земля,/ яко предлежит всем всеблаженнейший Крест,/ на немже пригвожден телесне пожресе Христос:// того лобызаим душевно радуящися.

**Слава Отцу и Сыну и Святому Духу.**

**Трочен:** О Троице начертаными! О Единице зраком!/ Отче, Сыне, и Духе,/ единосильная Единице,/ в совете и хотении, и державы начале, мир Твой сохрани, // мир подающи.

**И ныне и присно и во веки веков, аминь.**

**Богородичен:** Искуса никакоже ведущи мужеска Дево,/ безсеменно раждаеши Младенца,/ чисто носиши рождение,/ мира Творца Христа Бога:// Того моли умироти всяческая.

### КАТАВАСИЯ ТРОИДИ, ГЛАС 1:

**Хор:** Божественнейший прообрази древле Моисей,/ в Чермном мори/ провед Израиля Крестом Твоим,/ воду жезлом пресек,/ песнь Тебе исходную// воспевая Христе Боже.

### ПЕСНЬ 3:

#### КАНОН ВОСКРЕСНЫЙ, ГЛАС 6:

**Ирмос:** Несть свят,/ якоже Ты, Господи Боже мой,/ вознесый рог верных Твоих, Блаже,/ и утвердивый нас на камени// исповедания Твоего.

**Припев:** **Слава, Господи, святому Воскресению Твоему.**

**Тропарь:** Бога распинаема плотию зрящи тварь, растаявашеся страхом:// но содержительною дланию нас ради Распятого, крепко держима бе.

**Припев:** **Слава, Господи, святому Воскресению Твоему.**

**Тропарь:** Смертию смерть разорена лежит окаянная без дыхания:/ Живота бо не терпящи божественнаго приражения, // умерщвляется крепкий, и даруется всем воскресение.

**Припев:** **Пресвятая Богородице, спаси нас.**

**Богородичен:** Божественнаго рождества Твоего, Чистая,/ всякий естества чин превосходит чудо:/ Бога бо преестественне зачала еси во чреве, // и рождши пребываеши присно Дева.

КАНОН БОГОРОДИЦЫ, ГЛАС 6:

**Припев:** Пресвятая Богородице, спаси нас.

**Тропарь:** Тленную мою плоть и смертную, Всечистая Богомати,/ из чрева Твоего несказанно прием Благий, // и обездленив сию, вечно Себе связал есть.

**Припев:** Пресвятая Богородице, спаси нас.

**Тропарь:** Бога воплощаемая из Тебе зряще, Дево,/ ужасохуся страхом лица ангельстии, // и яко Матерь Божию немолчными песнями Тя почитают.

КАНОН ТРИОДИ, ГЛАС 1:

**Припев:** Слава, Господи, Кресту Твоему Честному.

**Тропарь:** Приидите, песнь поим нову,/ разрушение адово торжествующе:/ из гроба бо Христос воскрес, // смерть пленив, и спасе всяческая. *(Дважды)*

**Припев:** Слава, Господи, Кресту Твоему Честному.

**Тропарь:** Приидите, почерпем вернии,/ не от источника источающего воду тленную,/ но от источника просвещения,/ Креста Христова поклонением, // о немже и хвалимся. *(Дважды)*

**Припев:** Слава, Господи, Кресту Твоему Честному.

**Тропарь:** Древле егже прообразоваше Моисей дланьма,/ Крест Твой ныне облобызающе,/ умного Амалика побеждаем, Владыко Христе, // имже и спасаемся.

**Припев:** Слава, Господи, Кресту Твоему Честному.

**Тропарь:** Очима и устнама чистыма/ поюще песнь радования,/ Господню Кресту радостию // поклонимся вернии, плещущи песнями.

**Слава Отцу и Сыну и Святому Духу.**

**Трочен:** Единого в трех Ипостасех Бога безначального чту:/ нераздельного Существа зраком,/ Отца, Сына, и Духа Живаго, // в нихже крестихомся.

**И ныне и присно и во веки веков, аминь.**

**Богородичен:** В купине Моисей Твое образно таинство древле Чистая виде:/ якоже бо оныя пламень, // огонь Божества Твою утробу не опали.

КАТАВАСИЯ ТРИОДИ, ГЛАС 1:

**Хор:** Утверди Владыко Христе Крестом на камени мя веры,/ не поколебаться уму прилоги врага злаго:// един бо еси Свят.

ЕКТЕНИЯ МАЛАЯ...

СЕДАЛЬНЫ ТРИОДИ, ГЛАС 6:

**Крест Твой, Господи, освятися:/ в нем бо бывають исцеления болящим во**

гресэх:// ѳмже Тебѣ припадаем, помѳлуй нас.

**Стих:** **Возносите Господа Бога нашего, и поклоняйтесь подножию ногу Его, яко свято есть.**

Днесь пророческое исполнися слово:/ се бо поклоняемся, на место,/ идеже стоясте ноге Твоей Господи:/ и древа спасения вкушивше,/ греховных страстей свободу улучихом, // молитвами Богородицы, единыя Человеколюбче.

**Слава Отцу и Сыну и Святому Духу.**

Токмо водрузиися древо Христе Креста Твоего,/ основания поколебашася смерти Господи:/ егже бо поглотит желанием ад, отпусти трепетом./ Явил еси нам спасение Твое Святыи, // и славословим Тя Сыне Божий, помѳлуй нас.

**И ныне и присно и во веки веков. Аминь.**

**Богородичен:** Богородице Дево, моли Сына Твоего/ пригвождшагося волею на Кресте,/ и воскресша из мертвых, Христа Бога нашего, // спастися душам нашим.

#### ПЕСНЬ 4:

##### КАНОН ВОСКРЕСНЫЙ, ГЛАС 6:

**Ирмос:** **Христос моя сила,/ Бог и Господь,/ честная Церковь/ Боголепно поет, взываючи, // от смысла чиста о Господе празднующи.**

**Припев:** **Слава, Господи, святому Воскресению Твоему.**

**Тропарь:** Древо процвело есть, Христе, истинная жизни:/ крест бо водрузиися,/ и напоен быв кровию и водою от нетленного Твоего ребра,/ живот нам прозябе.

**Припев:** **Слава, Господи, святому Воскресению Твоему.**

**Тропарь:** **Не кому зми мне ложне обожение подлагает:/ Христос бо богоделатель человеческого естества, // ныне невозбранно стезю живота мне отверзе.**

**Припев:** **Пресвятая Богородице, спаси нас.**

**Богородичен:** **Яко воистинну неизвещанна и непостижима,/ яже Твоего боголепного, Богородице, суть рождества, // сущим на земли и на небеси, Приснодево, таинства.**

##### КАНОН БОГОРОДИЦЫ, ГЛАС 6:

**Припев:** **Пресвятая Богородице, спаси нас.**

**Тропарь:** **Поем, Пречистая, Тебе Всенепорочную,/ иже Тобою спасшиися,/ и благочестно поюще взываем: // благословенна, яже Бога, Приснодево, рождающая.**

**Припев:** **Пресвятая Богородице, спаси нас.**

**Тропарь:** **Свет незаходимый, Дево, родила еси,/ сущим во тьме жития,/ плотию**

светящ, Всеблаженная, и поющим Тя, // радость, Приснодево, источила еси.

КАНОН ТРИОДИ, ГЛАС 1:

**Припев:** Слава, Господи, Кресту Твоему Честному.

**Тропарь:** Се воскресе Христос, / мирносицам женам ангел рече: / не рыдайте, шедше рците апостолом: / радуйтесь, днесь спасение миру, // мучительство врага смерти разрушися. *(Дважды)*

**Припев:** Слава, Господи, Кресту Твоему Честному.

**Тропарь:** Животнаго Твоего Креста, / поклонную радость днесь Христе сретаяще, / предсретение творим всесвятых страсти Твоея, / юже во спасение мира // соделал еси Спасе, яко всеилен. *(Дважды)*

**Припев:** Слава, Господи, Кресту Твоему Честному.

**Тропарь:** Днесь бывает радость на небеси и на земли, / яко Христово знамение миру является Крест преблаженный: / сей бо предложен быв, // источает кланяющимся ему радость приснотекущую.

**Припев:** Слава, Господи, Кресту Твоему Честному.

**Тропарь:** Что Ти принесем Христе, / яко Честному Кресту дал еси нам поклониться? / На немже всесвятая кровь Твоя излися, / идеже и плоть Твоя гвоздьми водрузися, // егоже обლობызающе ныне благодарим Тя.

**Слава Отцу и Сыну и Святому Духу.**

**Тричлен:** Единого Божества пою три Ипостаси, / нераздельно, естественне просто проповедая, / Отца безначальна, Сына, и Духа Святаго сопредельна, / господство едино, и едино царство, // едину державу присносущную.

**И ныне и присно и во веки веков, аминь.**

**Богородичен:** Единая в женах явилася еси / вещь пречудна Чистая, слышание страшное: / естество бо Ты обновила еси, без семени рождши, / пребывающи паки якоже прежде Дева: // родивыйся бо из Тебе, Бог есть истинный.

КАТАВАСИЯ ТРИОДИ, ГЛАС 1:

**Хор:** На Кресте Тя Сильне, / светило великое видево, / трепетом взятся, / лучи сопрятав скры, / вся же тварь воспе со страхом Твое долготерпение: / ибо исполнися земля // Твоего хваления.

ПЕСНЬ 5:

КАНОН ВОСКРЕСНЫЙ, ГЛАС 6:

**Ирмос:** Божиим / светом Твоим, Блаже, / утреннюющих Ти души / любовью озари, молюся, / Тя ведети, Слово Божий, / истиннаго Бога, // от мрака

греховнаго взывающа.

**Припѣв:** **Слава, Господи, святому Воскресению Твоему.**

**Тропарь:** Уступают мне херувими ныне, / и пламенное оружие, Владыко, плещи мне даёт, / Ты видевше, Слове Божий, истиннаго Бога, // разбойнику путь сотворшаго в рай.

**Припѣв:** **Слава, Господи, святому Воскресению Твоему.**

**Тропарь:** Не ктому боюся, еже в землю, Владыко Христе, возвращения: / Ты бо от земли мя возвел еси забвенна, / благоутробия ради многаго, // к высоте нетления воскресением Твоим.

**Припѣв:** **Пресвятая Богородице, спаси нас.**

**Богородичен:** Иже Богородицу Ты от души, Владычице мира благая, / исповедающих спаси: / Тебе бо предстательство непоборимое имамы, // истинную Богородительницу.

**Канон Богородицы, глас 6:**

**Припѣв:** **Пресвятая Богородице, спаси нас.**

**Тропарь:** Чистотою возсиявши светло, / Божественное пребывание Владыки, Всепетая, была еси. / Ты бо едина Мати Божия явилася еси, // во объятиих, яко младенца, Сего носивши.

**Припѣв:** **Пресвятая Богородице, спаси нас.**

**Тропарь:** Носящи доброту умную, краснейшия Твоея души, / Невеста Божия была еси, / запечатствована девством, Чистая, // и светом чистоты мир просвещаючи.

**Канон Троицы, глас 1:**

**Припѣв:** **Слава, Господи, Кресту Твоему Честному.**

**Тропарь:** Возсиял еси от гроба незаходимый Свете, / миру облистая нетление, / потребил еси Господи смертный плач от конец, // яко благоутробен. *(Дважды)*

**Припѣв:** **Слава, Господи, Кресту Твоему Честному.**

**Тропарь:** Приступим очищению воздержанием, / тепле обლობызающе во хвалении Древо всесвятое, / на немже Христос распинаемь, // спасе мир, яко благоутробен. *(Дважды)*

**Припѣв:** **Слава, Господи, Кресту Твоему Честному.**

**Тропарь:** Ликуют в веселии ангельстии чини, / днесь Креста Твоего поклонением: / тем бо низложил еси бесовския полки, // спасый Христе человечество.

**Припѣв:** **Слава, Господи, Кресту Твоему Честному.**

**Тропáрь:** Рай другій познáся Цérковь,/ я́коже прéжде дрéво имúщяя живо-  
нóсное,/ Крест Твой Гóсподи,// из негóже прикосновéнием безсмéртию  
причастíхомся.

**Слáва Отцú и Сы́ну и Свято́му Дúху.**

**Трóичен:** Собезначáльны три слáвлю, едíнаго Существá:/ Бóга Отцá, Сы́на, и Дúха,/  
Свет едín трисия́тельный,// кúпно держáвное цáрство, в неслиянном тóждестве.

**И ны́не и прíсно и во véки векóв, амíнь.**

**Богорóдичен:** Родилá есí естествá закóном, но пáче закóна:/ Тебé бо едíныя без-  
сéменно Рождествó,/ стра́шный и помышля́емый нрав,// и глагóлемый ро-  
ждéния Твоегó, Всенепорóчная.

КАТАВА́СИЯ ТРИÓДИ, ГЛАС 1:

**Хор:** У́треннююще Тя воспева́ем Спа́се ще́дре,/ мир обрétше Крестóм Твои́м,/  
ймже обновíл есí род челове́ческий// ко свéту невечéрнему вводá нас.

ПЕСНЬ 6:

КАНО́Н ВОСКРЕ́СНЫЙ, ГЛАС 6:

**Ирмо́с:** Жите́йское мо́ре,/ воздвизáемое зря напáстей бúрею,/ к тíхому при-  
ста́нищу Твоему́ прите́к, вопию́ Ти:/ возведí от тли живóт мой,// Мно-  
гомíлостиве.

**Припéв:** Слáва, Гóсподи, свято́му Воскресéнию Твоему́.

**Тропáрь:** Распина́емь, Влады́ко, гвоздьми́ úбо,/ кля́тву ю́же на нас потребíл есí:/  
копи́ем же пробода́емь в ребро́,// ада́мово рукописа́ние растерза́в, мир сво-  
бодíл есí.

**Припéв:** Слáва, Гóсподи, свято́му Воскресéнию Твоему́.

**Тропáрь:** Ада́м низведéся, лéстию запя́т быв, ко áдове про́пасти:/ но ýже естество́м  
Бог же и мíлостив,/ сшел есí на взыска́ние,// и на ра́му понéс, совоскресíл есí.

**Припéв:** Пресвята́я Богорóдице, спасí нас.

**Богорóдичен:** Пречы́стая Влады́чице,/ рóждшая челове́ком ко́рмчию Гóспода,/ стра-  
стéй мо́их непостоя́нное и лю́тое утоли́ смущéние,// и тишинú пода́ждь  
сéрдцу моему́.

КАНО́Н БОГОРÓДИЦЫ, ГЛАС 6:

**Припéв:** Пресвята́я Богорóдице, спасí нас.

**Тропáрь:** Вели́кий преднаписа́ во проро́цех Моисéй Тя,/ ковчéг, и трапéзу, и  
свéщник, и рúчку,/ образно назна́менуя вопло́щение,// éже из Тебé  
Вы́шняго, Ма́ти Дéво.

**Припéв:** Пресвята́я Богорóдице, спасí нас.

**Тропарь:** Умерщвляется смерть, и тление упражняется/ Адамова осуждения, о Владычице!/ Плоду Твоему приразившееся:/ Жизнь бо родила еси, // от истления избавляющую поющих Тя.

**КАНОН ТРИОДИ, ГЛАС 1:**

**Припев:** Слава, Господи, Кресту Твоему Честному.

**Тропарь:** Воскрёсл еси смерть упразднив Христё, / якоже великий Царь, / от адовых сокровищ воззвал еси нас // в наслаждение Царства Небеснаго, в зёмлю безсмертия. *(Дважды)*

**Припев:** Слава, Господи, Кресту Твоему Честному.

**Тропарь:** Плещущи песньми Божественными вернии, воскликнем Богу, / Крест Господень целующе: // освящения бо источает источник, всем сущим в мире.

**Припев:** Слава, Господи, Кресту Твоему Честному.

**Тропарь:** Исполняется песнописательный глас: / се бо поклоняемся пречистых ног Твоих подножию Всесильне, // Кресту Твоему Честному, тревожденному древу.

**Припев:** Слава, Господи, Кресту Твоему Честному.

**Тропарь:** Еже виде древо в Твой хлеб вложено, во пророцех рыдатель, / Крест Твой Щедре облобызающе, // воспеваем Твоя узы, и погребение, копие же и гвоздя.

**Припев:** Слава, Господи, Кресту Твоему Честному.

**Тропарь:** На рамах егоже избовил еси Христё носити святыи Крест, / и на сем вознестися, и распятися плотию, // облобызающе собираем крепость на враги невидимыя.

**Слава Отцу и Сыну и Святому Духу.**

**Тробицен:** Единицу в трех начертаниих пою, / и Троицу во едином естестве поклоняемую, / Бога трое купно, Свет трисолнечный, // Отца, и Сына, и Святаго Духа.

**И ныне и присно и во веки веков, аминь.**

**Богородицен:** Чудес великое чудо в Тебе явися нескверная Агнице, / вземлющаго бо мира грех, Агнца родила еси: // Егоже моли прилежно о поющих Тя.

**КАТАВАСИЯ ТРИОДИ, ГЛАС 1:**

**Хор:** Образ Божественнаго Креста, / Иона во чреве китове / простёртыма дланьма проначертá, / и взираше спасён от зверя // силою Твоею Слове.

**ЕКТЕНИЯ МАЛАЯ...**

**КОНДАК ТРИОДИ, ГЛАС 7:**

Не ктому пламенное оружие / хранит врат Едемских: / на тыя бо найде преславный союз Древо крестное, / смертное жало, и адова победа прогнася. / Предстал бо еси Спасе мой, / вопия сущим во аде: // внидите паки в рай.

### ИКОС:

Три кресты водрузи на Голгофе Пилат, / два разбойников, и один Жизнодавца. / Егоже виде ад, и рече сущим доле: / о слуги мой, и силы моя! / Кто водрузив гвоздие в сердце мое, / деревяным мя копием внезапно прободет? / И растерзаюся, внутренними моими болю, утробою уязвляюся, / чувства моя смущают дух мой, / и понуждаются изрыгати Адама, и сущия от Адама, древом данныя ми: // Древо бо сия вводит паки в рай.

### ПЕСНЬ 7:

#### КАНОН ВОСКРЕСНЫЙ, ГЛАС 6:

**Ирмос:** Росодательну убо пещь / содела Ангел / преподобным отроком, / халдеи же опаляющее / веление Божие / мучителя увещая вопити: // благословен еси, Боже отец наших.

**Припев:** Слава, Господи, святому Воскресению Твоему.

**Тропарь:** Рыдающее во страсти Твоей солнце, во мрак облечеса, / и во дни по всей, Владыко, земли свет померче, вопия: // благословен еси Боже отец наших.

**Припев:** Слава, Господи, святому Воскресению Твоему.

**Тропарь:** Облекшася Христе схождением Твоим во свет преисподняя, / праотец же веселия исполнь, явися ликовствуя, взыграся, вопия: // благословен еси, Боже отец наших.

**Припев:** Пресвятая Богородице, спаси нас.

**Богородичен:** Тобою, Мати Дево, / свет возсия всей вселенней светлый: / Зиждителя бо Ты всех родила еси Бога, / Егоже проси, Всечистая, // нам низпослати верным велию милость.

#### КАНОН БОГОРОДИЦЫ, ГЛАС 6:

**Припев:** Пресвятая Богородице, спаси нас.

**Тропарь:** Юнош триех пещь не опали, рождество прообразующих Твое: / божественный бо огонь Тебе не опалив, вселися в Тя, / и вся научи вопити: // благословен еси, Боже отец наших.

**Припев:** Пресвятая Богородице, спаси нас.

**Тропарь:** Блажат концы Тя, Всечистая Мати, якоже прорекла еси, / просвещаемы светолучными сияньми Твоими, / и благодатию поюще, вопиют: // благословен еси, Боже отец наших.

#### КАНОН ТРИОДИ, ГЛАС 1:

**Припев:** Слава, Господи, Кресту Твоему Честному.

**Тропарь:** Воскресл еси из гроба тридневно, яко спяй Господи, / адовы вратари по-

разів Божественною сілою,/ и дрэвния воздвіг праотцы/ едіне благословенный// отцѣв Бóже, и препрославленный. *(Дважды)*

**Припѣв:** **Слава, Гóсподи, Кресту Твоему Честному.**

**Тропарь:** Цевницею пѣсней ликующе/ возрадуемся днесь людіе Крестным поклонением/ на сем пригвоздѣвшася Христа славяще,/ едінаго благословеннаго// отцѣв Бóга, и препрославленнаго. *(Дважды)*

**Припѣв:** **Слава, Гóсподи, Кресту Твоему Честному.**

**Тропарь:** Показавый умерщвления орган, жизни делателище,/ міру облобызательное, Твой Крест Всещедре,/ тому поклоняющияся освятї,/ едіне благословенный// отцѣв Бóже и препрославленный.

**Припѣв:** **Слава, Гóсподи, Кресту Твоему Честному.**

**Тропарь:** Едіне мѣлостиве и благоутрѣбне, просветї,/ освятї едіне Иисусе,/ поклоняющияся вѣрно Твоему Кресту,/ и Божественным страданием,/ едіне благословенный// отцѣв Бóже, и препрославленный.

**Слава Отцу и Сыну и Святому Духу.**

**Тричѣн:** Едіницу в трех Ипостасех, пою Божество:/ Свет бо Отец, Свет Сын, Свет Дух,/ Свету нераздельну пребывающу,/ едінством естественным,// и тремї лучами Лиц сияющу.

**И ныне и присно и во веки веков, аминь.**

**Богородичен:** Всех пророк многоименитое Ты еси проповѣдание,/ врата бо Божия, ручка златая, земля святая,/ явилася еси Дѣво Богоневѣстная,/ рождающая плотию Иисуса Христа,// отцѣв Бóга, и препрославленна.

**КАТАВАСІЯ ТРИОДИ, ГЛАС 1:**

**Хор:** Из пламене отроки избавлей,/ плоть приим пришел еси на землю,/ и на Кресте пригвожден,/ спасение нам даровал еси Христе,/ един благословен отцѣв Бóже,// и препрославлен.

**ПЕСНЬ 8:**

**КАНОН ВОСКРЕСНЫЙ, ГЛАС 6:**

**Ирмос:** Из пламене преподобным росу источил еси,/ и праведнаго жертву водою попалил еси:/ вся бо твориши, Христе, токмо еже хотети.// Тя превозносим во вся веки.

**Припѣв:** **Слава, Гóсподи, святому Воскресению Твоему.**

**Тропарь:** Иудейския дрѣвле пророкоубийцы людіе,/ богоубийцы зависть ныне содела,/ Тебе на крест вознесшия, Слово Божий:// Егóже превозносим во вся веки.

**Припéв:** **Слáва, Гóсподи, свято́му Воскресéнию Твоему́.**

**Тропа́рь:** **Небе́снаго кру́га не оста́вил еси́,/ и во ад соше́д, всего́ совоздв́игл еси́/  
лежа́щаго во гно́ищи, Христé, челове́ка,// Тя превозно́сяща во вся ве́ки.**

**Припéв:** **Пресвята́я Богоро́дице, спаси́ нас.**

**Богоро́дичен:** **От Све́та Светода́вца Сло́ва зачала́ еси́,/ и ро́ждши неизрече́нно Сего́,  
просла́вилася еси́:/ Дух бо в Тя, Отрокови́це, Бо́жий всели́ся.// Те́мже Тя  
поём во вся ве́ки.**

**КАНО́Н БОГОРО́ДИЦЫ, ГЛАС 6:**

**Припéв:** **Пресвята́я Богоро́дице, спаси́ нас.**

**Тропа́рь:** **Позлаще́ною ри́зою, я́коже Цари́цу, Сын Твой просвети́в заре́ю Ду́ха,/ Тебе́ одесну́ю Себе́ поста́ви, Пречи́стая:// Егóже превозно́сим во вся ве́ки.**

**Припéв:** **Пресвята́я Богоро́дице, спаси́ нас.**

**Тропа́рь:** **И́же хоте́нием еди́ным мир водрузи́вый,/ от пречи́стыя Твоея́ утробы́  
плоть взéмлет,/ свы́ше сию́ назда́ти хотя́:// Егóже превозно́сим во вся ве́ки.**

**КАНО́Н ТРИО́ДИ, ГЛАС 1:**

**Припéв:** **Слáва, Гóсподи, Кресту́ Твоему́ Честно́му.**

**Тропа́рь:** **Ми́ро в руках что держите́ всяко?/ Когó же взыску́ете?/ Ны́не явле́йся  
юноша во грóбе, вопия́:/ воскресе́ Христóс и Бог наш,// возста́вивый есте́-  
ствó челове́ков от а́довых сокро́вищ. *(Два́жды)***

**Припéв:** **Слáва, Гóсподи, Кресту́ Твоему́ Честно́му.**

**Тропа́рь:** **Ра́дуйся требога́тое дре́во и Божéственное, Кресте́,/ свете́ сущим во  
тьме́,/ четвероконéчный мир сия́нием твои́м,/ востáния Христóва проявле́й  
заря́,// сподо́би вся ве́рныя дости́гнути Па́сху.**

**Припéв:** **Слáва, Гóсподи, Кресту́ Твоему́ Честно́му.**

**Тропа́рь:** **В сий день благоуха́ют ми́ра божéственныя мирополо́жницы,/ живо-  
ми́рственное дре́во Крест Христóв:/ обоня́им егó Богодухнове́нныя воня́,//  
тому́ поклоня́ющеся ве́рно во ве́ки.**

**Припéв:** **Слáва, Гóсподи, Кресту́ Твоему́ Честно́му.**

**Тропа́рь:** **Гряди́ Елиссее́ проро́че,/ рцы́ я́ве, что дре́во оно́е,/ е́же в во́ду вложи́л  
еси́?/ Крест Христóв, имже́ от глубины́ тли извлеко́хомся,// тому́ покла-  
ня́ющеся ве́рно во ве́ки.**

**Припéв:** **Слáва, Гóсподи, Кресту́ Твоему́ Честно́му.**

**Тропа́рь:** **Дре́вле Иа́ков прообразу́я Крест Твой Христé,/ Ио́сиф поклоня́шеся Бо-  
жéственного́ жезла́ кра́еви,/ скиптр сей стра́шный Ца́рствия Твоего́  
предв́идев:// ему́же ны́не поклоня́емся ве́рно во ве́ки.**

**Благословім Отца, и Сына, и Святаго Духа, Господа.**

**Трѣичен:** **Едино** в трех начертаниих Существо слава, / не сливаю единолично трех, ниже пресецаю зрака, / Отца, и Сына, со Духом:// Един бо над всеми Бог в Троице.

**И ныне и присно и во веки веков, аминь.**

**Богородичен:** **Едина** в матерех явилася еси / Дева Богоневесто Марие, / без мужа родивши Христа Спаса, / чистоты знамение сохранивши:// Тебе убожаем вернии во веки.

**КАТАВАСИЯ ТРИОДИ, ГЛАС 1:**

**Хор:** **Хвалим, благословим, поклоняемся** Господеви, поюще и превозносяще во вся веки.

**Руце в ров верженный львов, / иногда великий во пророцех, / крестобразно простер Даниил, / неврежден от сих снѣди спасеся, // благословя Христа Бога во веки.**

**Диакон:** Богородицу и Матерь Света в песнях возвеличим.

**ПЕСНЬ ПРЕСВЯТОЙ БОГОРОДИЦЫ:**

**Хор:** **Величит** душа Моя Господа, / и возрадовася дух Мой о Бозе Спасе Моём. **Честнейшую Херувим / и Славнейшую без сравнения Серафим, / без ислѣния Бога Слова рождшую, / сущую Богородицу, Тя величаем.**

**Яко** призре на смирение рабы Своея, / се бо от ныне убожат Мя вси роди.

**Честнейшую...**

**Яко** сотвори Мне величие Сильный, / и свято Имя Его, и милость Его в роды родов боящимся Его.

**Честнейшую...**

**Сотвори** державу мышцею Своею, / расточи гордыя мыслию сердца их.

**Честнейшую...**

**Низложи** сильные со престол, и вознесе смиренные; / алчущия исполни благ, и богатящиеся отпусти тщи.

**Честнейшую...**

**Восприят** Израиля отрока Своего, помянути милости, / якоже глагола ко отцем нашим, Аврааму и семени его, даже до века.

**Честнейшую...**

**ПЕСНЬ 9:**

**КАНОН ВОСКРЕСНЫЙ, ГЛАС 6:**

**Ирмос:** **Бога / человеком не возможно видети, / на Него же не смеют чини Ангельстии взирати; / Тобою бо, Всечыстая, явися человеком / Слово**

воплощённо,/ Егó же величающе,/ с Небёсными вои// Тя ублажаем.

**Припёв:** **Слава, Гóсподи, святому Воскресению Твоему.**

**Тропарь:** Страстэй непричастен Ты пребыл еси, Слове Бóжий,/ плóтию приобщився страстем:/ но решиши от страстэй человека,/ страстем быв страсть, Спасе наш:// еди́н бо еси безстрастен, и всесилен.

**Припёв:** **Слава, Гóсподи, святому Воскресению Твоему.**

**Тропарь:** Тлю смёртную приём, тлénия соблюл еси тéло Твоё невкусно,/ Твоя же животворящая и божественная, Влады́ко, душа́, во áде не оставлена бысть:// но я́коже от сна воскрес, нас совоздвигл еси.

**Припёв:** **Пресвятая Троице, Бóже наш, слава Тебе.**

**Троичен:** Бóга Отца́, Сы́на собезначальна,/ вси человецы устнами ўбо чистыми сла́вим,/ неизреченную же и преславную Дúха Всесвятаго силу чтим:// еди́на бо еси́ всеильная Троица неразлучная.

**Канóн Богородицы, глас 6:**

**Припёв:** **Пресвятая Богородице, спаси нас.**

**Тропарь:** Звездá сияющи зарями Божества́ от Иáкова,/ от мра́ка содержи́мым возсия:/ Тобóю бо, Всечы́стая, Христóс Бог Слово воплощённо:// Ёмже просвещáем, с небёсными вои Ты ублажаем.

**Припёв:** **Пресвятая Богородице, спаси нас.**

**Тропарь:** Укрéписья си́лою Твоею и благодáтию,/ Тебе́ песнь усérдно от сёрдца возложих:/ но си́ю приими́, Дéво Чы́стая,/ благодáть воздаю́щи Твою́ многосвётлую,// от нетлénных сокровищ, богоблаже́нная.

**Канóн Трои́ди, глас 1:**

**Припёв:** **Слава, Гóсподи, Кресту́ Твоему Честно́му.**

**Тропарь:** Во гроб сошёл еси́ жизнóдавче и Бóже,/ и сокрушил еси́ вся заклéпы же и верей,/ и мёртвыя воскресил еси́,/ слава востáнию Твоему́, вопию́щая,// Христé Спасе всеи́льне. *(Два́жды)*

**Припёв:** **Слава, Гóсподи, Кресту́ Твоему Честно́му.**

**Тропарь:** Грoб Твой жизнь мне Христé источи́, содержи́ бо жизнь,/ предста́в возопил еси́ живу́щим во гробéх:/ сýщии во ўзах разрешите́ся,// Аз бо мiра избавлénие приидóх.

**Припёв:** **Слава, Гóсподи, Кресту́ Твоему Честно́му.**

**Тропарь:** Пёсньми да взыгра́ют вся древа́ дубравная,/ тезоименiтое дре́во Крестá зря́ще облобыза́емое днесь:/ на нёмже Христóс вознесé главú,// я́коже прорóчествует божественный Дави́д.

**Припéв:** **Слáва, Гóсподи, Кресту́ Твоему Честнóму.**

**Тропа́рь:** Дре́вом умéрый, дре́во тя обрето́х жи́зни Христонóсне Кресте мой,/ хра-  
нителю мой неруши́мый,/ на дéмоны крéпкая держáво,/ тебе́ покланя́йся  
днесь зову́:// освяти́ мя слáвою твоёю.

**Припéв:** **Слáва, Гóсподи, Кресту́ Твоему Честнóму.**

**Тропа́рь:** **Весели́ся, раду́йся Цéрковь Бóжия,/ дре́ву требогáтному покланя́ющися**  
днесь,/ **всесвята́го Крестá Христо́ва:/ Емуже́ служат чíнове áнгельстии, //** и  
со стра́хом предстоя́т.

**Слáва Отцу́ и Сы́ну и Свято́му Ду́ху.**

**Тро́ицен:** **Тро́ице Ли́цы, еди́нице Естество́м покланя́юся,/ Тебе́ Божество́ Свято́е,/**  
Отцу́, и Сы́ну, со Святы́м же Ду́хом,/ **еди́ному нача́лу, еди́ному Цáрству, //**  
всéми влады́чествующему.

**И ны́не и прýсно и во вéки векóв, амíнь.**

**Богорóдичен:** **Горá вели́кая в ню́же всели́ся Христóс,/ Ты яви́лася еси́ Дéво,/ я́коже бо-**  
жéственный Дави́д вопиéт:/ **Ё́уже мы вознесóхомся к небеси́, //** вы-  
ни́вшися Ду́хом Всеблаже́нная.

**КАТАВА́СИЯ ТРИÓДИ, ГЛАС 1:**

**Хор:** **О Ма́ти Дéво,/ и Богорóдице нелóжная,/ рóждшая безсе́менно Хри-**  
ста́ Бóга на́шего,/ **на Крест возне́сшагося плóтию, //** **Тя вéрнии вси до-**  
сто́йно с Ним ны́не велича́ем.

**ЕКТЕНИ́Я МА́ЛАЯ...**

**Диáкон:** **Свят Господь Бог наш.**

**ЕКСАПОСТИЛА́РИЙ ВОСКРЕ́СНЫЙ ШЕСТО́Й:**

**Показу́я, я́ко человек еси́ Спа́се, по существу́,/ посреде́ став воскрéс от**  
грóба,/ **и бра́шна сопричастýлся еси́,/ учýл еси́ крещéнию покая́ния./ Áбие**  
же к Небéсному возне́слся еси́ Отцу́,/ **и ученико́м Уте́шителя послáти обе-**  
щáл еси́, **Пребожéственный Богочелове́че. //** **Слáва Твоему́ востáнию.**

**Слáва Отцу́ и Сы́ну и Свято́му Ду́ху.**

**СВЕТИ́ЛЕН ТРИÓДИ (КРЕСТА́):**

**Крест Христо́в честный/ днесь предложéнный ви́девше поклонímся,/ и**  
вéрно возвесели́мся, **облобыза́юще любóвию,/ на сем во́лею распéншагося**  
прося́ще Гóспода, **сподóбити всех нас,/ и Кресту́ Честнóму поклонítися, //** и  
досты́гнути Воскресéние неосуждéнно.

**И ныне и присно и во веки веков. Аминь.**

Богородичен Триоди:

Древу, на немже Всечистая,/ пречистей длани о нас простре,/ пригвоздивыйся Сын Твой,/ ныне благочестно покланяющимся,/ даждь нам мир, и мироспасительныя всечестныя страсти предварити, // и светлой мирорадостной госпоименитой Пасце поклонитися, и светоносному дню.